

Protocol no. 31
Sezzüda da gövgia, 23 avuost 2012, 18.00 – 23.00

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann ed Angelo Andina (protocol)

Protocol

Il protocol no. 30 vegn approvà cun ün pêr correcturas e pitschens adattamaints.

Approvà vain eir il protocol da la sezzüda dals 19 lügl 2012 insembel cun la cumischiun sindicatoria regard la relaschada da la chanzlista Claudia Luppi. Il protocol d'eira gnü scrit dad Andri Lansel.

231 021 FABRICA
Jon Andri Pult-Poggioli; piazza da parcar, parcella no. 179

Renovar e numerar las piazzas da parcar sün parcella 179 postar üna tabla tenor norma "piazza da parcar privata".

232 021 FABRICA
Stweg Chasa Uina / Jachen Bezzola: fouras geotermicas parcella no. 328

Pumpa da chalur, fouras resp. sondas geotermicas
L'access in Chasellas per maschinas grondas da fourar es difficil. La firma chi executescha las lavurs sto infuormar ouravant il cumün co cha l'access es previs.

233 021 FABRICA
Andrea Pult, renovaziun Chasa Curtin, parcella nr. 371

Fabrichar oura l'intern da la chasa nr. 18. Ascensur, renovaziun dal local da s-chodamaint, entrada abitaziun sura, access / abitaziun suot entrada, 4 stanzas e bogn abitaziun suot, access abitaziun sura. Seguond plan sura: 3 stanzas, bogn ed entrada abitaziun sura, plan dal tet local d'abitar, chadafö, bogn.

La publicaziun ha gnü lö dals 03.08.2012 fin als 23.08.2012.

234 021 FABRICA
Conrad Peer: dozar il tet, parcella nr. 125

Reonovar e dozar il tet per ca. 80 cm da la chasa nr. 211. Fanestra da tet. Isolaziun da la fatschada. Il parair dal cusgliader da fabrica es avant man. El propuona ün pêr müdamaints ed adattamaints dal plan.

La publicaziun ha gnü lö dals 03.08.2012 fin als 23.08.2012.

235 021 FABRICA
Andri Mosca; renovaziun da la chasa Curtin, parc. no. 332

Renovar, ingrondir e dozar il tet da la chasa. no, 175. Reboccar la fatschada e la porta d'entrada nouva . Per cha l'isolaziun nu surpassa il cunfin da la parcella cumünala (via), sto gnir tut davent ün toc dal mür dal chantun.

La decisiun vain tratta in assenza da Dumeng Jann (ha elavurà il proget).,

La publicaziun ha gnü lö dals 03.08.2012 fin als 23.08.2012.

236 021 FABRICA
Martin Taufer: saiv lung la parcella 429 vers nord; Flüs

Il petent less eriger üna saiv il nord per cumplettar la saiv intuorn tuot sia parcella. Lung quel cunfin i'l nord da la parcella planisescha il cumün la via d'access per la zona d'abitar per glied indigena. Pro la fabrica da la via stu vess il cumün faquint refer la saiv, quai chi chaschuna alura cuosts considerabels per la chascha cumünala. Pervia da quist motiv arcumanda il Cussagl, da spettar cun l'installaziun da la saiv.

237 340.503.03 Plazzal da sport
Glüminaziun da la piazza da sport

Reguard il disturbi da la glüminaziun da la piazza da sport es entrada üna reclamaziun pervi da la dürada la saira fin a las 22.00. Quist temp es indichà illa cunvegna relativa. I dess pussibilitats da lavurar cun uras da temp automaticas chi reglan la glüm. Uschè pudess l'ura p. ex. serrar gio la glüm a las 21.30. Quai nu füss però i'l interess da las societats e dals giasts chi fan adöver da la piazza. Perquai insista il Cussagl sün la cunvegna. Andri Poo vain incumbenzà da tscherchar üna soluziun cun üna paraglüm (Blende) e da sclerir, scha üna tala soluziun schogliess il problem.

238 110.431 Taxas per vias cumünalas
Reclamaziun regard il permiss provisoric per installar ün container per sfraidir in Tuols

Id es etrà ün reclom pervi da la canera chi vain chaschunada dal container per sfraidir in Tuols. Per l'installaziun da quella frais-chera ha il Cussagl concedü ün permiss provisoric da 3 mais. Il Cussagl decida da scriver üna charta a la firma Bigler AG dad ir in tschercha dad ün oter lö per depositar il veicul.

239 020 ADMINISTRAZIUN CUMÜNALA
Credit per la paja actuar ad hoc (avuost fin october)

Per finanzia la paja da l'actuar ad hoc decida in Cussagl ün credit da fr. 15'000.-- a charg dal quint 2012 da la chascha cumünala.

240 109.318.01 UFFIZI DA STIMA
Questiunari uffizi da stima

L'uffizi da stima dal chantun Grischun giavüscha als cumüns da tour posiziun cun agüd d'ün questiunari, che bsögn cha'ls cumüns han in merit e che giavüschs invers l'uffzi. Cun üna spüerta chi's referischa sün pretaisas exactas as megl drescha il servezzan ed i pon gnir spargnats aint cuosts. Termin per la spediun es il 31 avuost 2012.

241 860 PROVEDIMAINT ELECTRIC
Reglamaint da la radunanza da proprietaris da la EE Energia Engiadina e nominar 2 rapreschantants

In vista a la fuormaziun uffiziala da la società “Energia Engiadina” sto gnir s-chaffi il reglamaint. Ils cumüns pertocs vegnan invidats, da nominar duos rapreschantants chi fan part a la radunanza dals proprietaris. Il Cussagl nominescha al capo Albert Mayer ed al schef dal departamaint Andri Poo. Il Cussagl giavüscha, cha'l sez da la società saja a Sent, la “cità d'energia”.

242 620 VIAS E PLAZZAS
Credit – Sanaziun mür da sustegn pro la via da scoula

Il büro d'indschegner Könz ha inoltra offertas per la planisaziun dal trafo nouv Chavorgia e per sanar il mür pro la chasa da scoula. La sanaziun dal mür lung la parcella nr. 59 (Johann Martin Taverna) cuosta ca. 28'000 francs, pro la chasa Bommer ca. fr. 15'000.--. Quists imports surpassan las cumpetenzas finanzialas dal Cussagl. Perquai dèssan ils imports gnir spartits sü tanter mantegnimaint (15'000) e quint d'investiziun (28'000). L'offerta dal Büro Könz s'amunta sün fr. 4'100.--. Il Cussagl decida, da realisar las lavurs.

243 860.503.04 Trafo Chavorgia
Credit – Progettaziun dal trafo nouv Chavorgia

L'offerta dal büro d'indschegner Könz per la planisaziun importa fr. 13'000.--. Ils cuosts per la realisaziun dal trafo sun previss i'l budget 2012 da la chascha cumünala. Il cumün inizescha las lavurs, in stret contact cun la possessura EE – Energia Engiadina).

244 DIVERSAS SCHEFS

1. Di d'infuormaziun per glied chi vain a star a Sent
Marianne Werro orientescha regard il di d'infuormaziun chi ha lö als 14 october 2012 da las 10.00 fin a las 11.30. A las personas chi piglian part a quist'occurenza vain surdat üna broschüra cun üna pruna infuormaziun sur dal cumün da Sent.
2. nouv veìcul pel manader tecnic
Andri Poo orientescha, cha'l cumün ha cumprà ün veìcul per fr. 5'000, chi sta a disposiziun al manader tecnic dürant il temp da lavur.

245 ORIENTAZIUNS davart dal capo

- Sezzüda da la PEB als 21.08.2012. Il capo orientescha su da l'acceptaziun dals progets da Sent (infrastructura turistica Fenga – Sesvenna) e sur dal Bustaxi (augmaint dals cuosts. Il reglamaint respectiv sto gnir suottamiss a la radunanza cumünal

l'actuar ad hoc:

